



Sabtu, 16 Maret 2024

Ogen: Kolose 3:23-24



Bas Kai Pe Setia



Kesetiaan diperluken i bas kai pe bas kegeluhen enda. La saja i bas pendahin, i bas relasi: erjabu, erteman, i bas erkiniteken bagepe i bas erbage hal. Kesetiaan enda sendalanan ras ketutusan, sabab njagai kesetiaan enda pe merluken usaha dengen perjuangan. Rasul Paulus ngajuk ras nehken persinget kuga kin arusna keluarga Kristen nggeluhken geluhna subuk i bas jabu antara orangtua rikut ras anakna, perbulangan ras ndehara bagepe antara budak ras tuanna. Janah i bas hubungan enda, lakoken alu mehuli, cidahken ketutusan i bas si ngelai ras ndahiken dahin. Enda kerina arus ilakoken alu setia, ilakoken bagi arusna, labo nuan ngaruh tapi arusna kin sabab Dibata mereken kesempatan man sada ras sidebanna. Paulus ngataken i bas kerina siilakoken e i bas kesetiaan ras ketutusan idahiken bagi erdahin man Dibata.

Kesetiaan tidak mengenal perbedaan antara tugas kecil dan tugas besar, nina John Ruskin. Enda ncidahken sada biak i bas manusia, megati lit kalak si sepele nandangi dahin ras tugas si kitik, mangkar iakapna, la akapna meherga. Adi dahin simbelin maka iakapna mehaga ntah penting. Situhuna, kalak sisetia i bas dahin sikitk me maka ibereken dahin si mbelin. Kuga ieteh ia kalak situtus ras ertanggungjawab dikune langa icidahkenna kesetianna ndahiken dahin sikitik. Kesetiaan e ngarapken i bas kai pe ialokenna ketutusan i bas sindahikenca.

I bas kai pe setia min kita, jabu, dahin, pertemanen ras sidebanna. Gelah alu bage kita pe ncibalken dirinta i bas erbage hubungan ras kalak sideban, teridah kinitekenta. Sabab kai silakoken kita tempa-tempa sibahan e man Dibata. Kai siibahanndu man temanku si kitikna e bage me perbahanenndu man bangku, nina Jesus i bas Matius 25. Kesetianta teruji ibas kerina paksa i bas kegeluhenta. Ija pa pe inganna, katawari pe paksana, janah uga pape situasina, tetaplah setia.